



АТБ Ўзсаноатқурилишбанк жамоаси

халқимизни ва банк
мижозлари ҳамда барча
хамкорларини
муборак айём —
Қурбон ҳайити билан
табриклайди.

*Она диёримиз ҳамиша тинч, фаровон, осмонимиз мусаффо бўлсин.
Барча юртдошларимизга муборак байрам шафоати доимо ёр бўлишини тилайди!*

Реклама ҳуқуқи асосида.

Навоий шаҳридаги “ТИНЧЛИК” компанияси жамоаси




*азиз юртдошларимизни эзгулик ва меҳр-оқибат,
саховат ва яхшилик айёми — ҚУРБОН ҲАЙИТИ
билан самимий муборакбод этади.*

*Улуғ қадриятларимиздан бири бўлган Қурбон ҳайити яхшилик, поклик, шоду
хуррамлик айёмидир.*

*Халқимизнинг эзгу ният ва орзу-интилишларини қўллаб-қувватлашни
муҳассам этган муборак айём барчамиз учун ниҳоятда қадрлидир.*

*Қурбон ҳайити ҳар бир инсон қалбини эзгулик нурлари
билан мунаввар этсин!*

*Шу азиз ва жонажон Ватанимизга кўз тегмасин! Янги Ўзбекистон қуришдек
эзгу мақсад билан давом этаётган хайрли ишларимизнинг баракасини берсин.*



Байрамингиз муборак бўлсин, азиз юртдошлар!

Реклама ҳуқуқи асосида.

ШЕЪРИЯТ

Юрагимни очдим ўзингга

ҚАДИМ МАКОНИМ

Меҳрибоним йўқ сендан яқин,
Юрагимни очдим ўзингга.
Қайда юрмай ота юрт хокин,
Ўпиб, мудом суртдим кўзимга.

Ота юртим — қадим маконим,
Қиёсингга ташбеҳлар ожиз.
Сен борлигим, жоним-жаҳоним,
Сен мен учун баридан азиз.

Сиймонг худди донишманд отам,
Меҳринг мушфиқ онамнинг кўзи.
Тирик экан юрт билан одам,
Ватан билан ўзлиги, ўзи.

Бағрингдаман, шундан бағрим бут,
Бағрингдаман, менга толе ёр.
Менинг учун ягона шу юрт,
Шу юрт менга муқаддас диёр.

Юкинаман, ўзингга юртим,
Тупроғингни кўзимга суртгум.

ЙЎЛДА

Қадди дол чол борар аста имиллаб,
Чалинмас қулоққа оёқ товуши.
Кўзлари ёругдан кетар жимирлаб,
Сиргалар гоҳида йиртиқ ковуши.

Ҳар тугул йиқилмас, қўлдаги асо
Асраб қолар уни суянчи бўлиб.
Бепарво ўтишар қадлари расо
Ёшлар атрофидан ой каби тўлиб.

Азобдан қақишаган вужудда ларзон,
Ўзича чамалаб санар ёшини.
Умринг вақт олдида нақадар арзон,
Кеча олишарди кериб тўшини.

Чуқур-чуқур олиб кифтидан дамни,
Кетиб борар, намдан киприклари хўл.

Елкадан иргитиб минглаб одамни,
Давом этар ўзи, бу тугамас Йўл...

АНОР ГУЛИ

Қува боғларида гуллади анор,
Бўй етган қизларнинг ёноғидай ол.
Гуллари гулхандай ловуллаб ёнар,
Ёдимга тушади қошлари ҳилол.

Боғлар зеболаниб олар алвон тус,
Ҳолбуки, саратон — жазирама ёз.
Бамисли оловда тўраган қақнус,
Хаёлимга келди ногоҳ шу қиёс.

Оташга нописанд, нафис бўлса ҳам,
Анорнинг сабри мўл, кетмас тутақиб.
Баҳорнинг умрига бўлиб бардавом,
Чилла ёз кўксига кўяр гул тақиб.

Анор гули чўғдай чўғланиб боқар,
Баргларга оҳиста чулғаниб боқар,
Жундай титар менинг ёдим тўзғитиб
Оғриқли хотирлар қайта ўт ёқар...

Анорнинг гуллари доларанг, ё раб,
Мевасин бағри қон, қирмизий гулоб.

НОРИ ХИЖРОН

Нори ҳижрон бағрим ёмон куйдирди,
Бепарво ёр, қоши камон куйдирди.

Пари чеҳра, қарашмали-шевали,
Васлу дийдор менга армон, куйдирди.

Дашту саҳро ўғай доим булбулга,
Андалибман, ҳажери чаман куйдирди.

Бу ёлгон жаҳоннинг ташвиши ёлгон,
Десам, тагин жоҳил замон куйдирди.

Беморманам, сендан дарак йўқ хануз,
Хазон янглиг рангим сомон, куйдирди.

Офтобга юкинсам, ялинсам ойга,
Қўлларим етмади, осмон куйдирди.

Эвоҳ, умид қилсам бамисли анқо,
Номи бор, ўзи йўқ имкон куйдирди.

Тасалли-таскиндан безиб кетди жон,
Жонимга жонажон жонон куйдирди.

Сир сенга қул токи ичингда ниҳон,
Шоир қалбини дард пинҳон куйдирди.

ҚИСМАТ

Дарахт танасида сонсиз жароҳат,
Бешумор оғриқли йиллар айланар.
Чандиқлари унинг минг ҳасрат, минг дод,
Танасига беун сингиб жойиланар.

Кекса дарахт кияр яшил тўнини,
Чандиқ-яраларин паналаб кўздан.
Азобларнинг талаб қилмас хунини,
Чопган болталарнинг сопи ўздан.

Ойдин тунлар эртақ айтмайди қамар,
Қушлар ҳам тарқ этган унинг шохини.
У Вақтнинг бағрида безабон бемор,
Ича ютиб яшар ҳасрат оҳини.
Шўрлик кимга айтсин йўқ гуноҳини.

Қари дарахт ёлғиз яшайди хануз,
Афсус, ёзнинг орти муқаррардир куз...

КЎРИНДИ

Қушлар навосидан шод-масурур юрсам,
Дарахтлар шохида зоглар кўринди.

Хаёлимни жамлаб кўзуга боқсам,
Кўзларим тубида оҳлар кўринди.

Йўлларим равон деб шитоб югурсам,
Оёғим остида чохлар кўринди.

Муаллиф ҳақида:

Очил ТОҲИР — Муборак туманида туғилган. ТошДУ (ҳозирги ЎзМУ)нинг журналистика факультетини тамомлаган. Шоирнинг “Қарз”, “Соғинч соҳили”, “Кўнелим билан суҳбат”, “Шаклсиз олам”, “Вақт ушоқлари” шеърӣ тўпламлари, шунингдек, болаларга аталган “Мақтанчоқ мушук”, “Ғолиб хўроз” (достон), “Ҳарфлар жамланмаси”, “Санай туриб адашма” ва “Одобли бола” китоблари нашр этилган. Шоир шеърлари турк ва қорақалпоқ тилларига таржима қилинган.



Очил ТОҲИР

Ўзбекистон Ёзувчилар уюшмаси аъзоси.

Дунёда бағри бут кўндайин эди,
Хўрсинди, кўкайи доғлар кўринди.

Минг йиллик ошнамни танитай қолдим,
Кўзида нур эмас, ёғлар кўринди.

Зоҳиран фаришта каслар кўксига,
Қоп-қора қурум гуноҳлар кўринди.

Хафсалам тир бўлиб кетаётсам йўлда,
Ҳар тугул, дилкушо боғлар кўринди.

ҲАЁТ ОНА ЯНГЛИГ ЭРКАЛАМАС

Ҳаёт она янглиг эркаламас, йўқ,
Қарамайди кўнгил тантиқлигинга.
Ҳар лаҳзаси синов, ҳар лаҳзаси ўқ,
Не иши бор, кимга интиқлигинга.

Рухият олами ботинда пинҳон,
Наинки тан, кўнгил тамом бегона.
Сиртидан, шаклидан ўҳишадир инсон,
Бедард қалблар атар сени девона.

Сизмайсан, бағрингда ўрлар нола -зор,
Машраб кечинмаси руҳингга эга.
Оғриниб бир сўзни айтасан такрор,
Замон шоирини тушунмас нега?!

ҚУТЛОВ



QISHLOQQURILISHBANK

АТБ “Қишлоқ қурилиш банк”
жамоаси барча юртдошларимизни
ҚУРБОН ҲАЙИТИ
билан муборакбод этади.

“Қишлоқ қурилиш банк” —
фаровон ҳаётингиз хизматида!

ҚУТЛОВ



Азиз юртдошларимизни
ҚУРБОН ҲАЙИТИ
байрами билан чин кўнгилдан
самимий табриклаймиз.
Дастурхонларингизга тўқинлик,
файз-барака тилаймиз!

Жиззах вилоятидаги
“Дўстлик дон маҳсулотлари”
АЖ жамоаси



ДАРФАЛАР

"Мен қироллар масхарабози эмас, масхарабозлар қиролман", деган эди машҳур рус цирк устаси Анатолий Дуров...

Бироқ Юсуфжон қизиқ яшаган давр Қодирий таъбири билан айтганда, "сунги хон замонлари, мазийнинг энг кир, қора кунлари" эди...

Юсуфжон қизиқ 1869 йилда Марғилон шаҳрида туғилган бўлиб, отасининг асл исми Шокиржон бўлган...

Уша даврда "Бола ўқитиш", "Келин тушириш", "Зар қокил", "Мударрис", "Елпибўтириш", "Духтар-бозлик"...

Эътиборлиси, бундай матнга эга бўлмаган, бадиҳа-импровизация асосида ижро этилган сахнавий комедияларда қизиқчилар ҳам, актёр ҳам режиссёр сифатида иқтидорга эга бўлган...

Чўлпон "Гулистон" журналининг 1936 йил 6-сонидagi "Қизиқлар" мақоласида ёзганидек, "Подшоҳлар, султонлар, хонлар ва бекларнинг қамчиларидан қон томган замонларда, кўпчилик аҳоли ўз дардини бир юлгун бақчисига ҳам айта олмаган

ҚИЗИҚЧИЛАР ПОДШОСИ

ёки Юсуфжон қизиқ Шакаржоновнинг ҳаёт йўли ҳақида

даврларда халқнинг оғир аҳволини, мамлакатнинг қора кунларини, фуқаронини дард ва ҳасратларини биронта сарой ёки халқ қизиғи чиқиб, "ҳазил" ўйли билан "ёдириб" юборади...

Ҳа, Чўлпон таъкидлаганидек, Юсуфжон қизиқ яшаб ижод этган давр ана шундай тахликали эди...

1893 йилдан эса Макс Баранский, Богоевский, Жиганов, Иванцович, Жанжаладзе, Юпатов сингари Россиянинг машҳур цирк усталари Туркистонга келганида улар билан ҳамкорликда чиқишлар қилди...

1903 йилда эса Саид қиссахон қизиқ билан Бухоро ҳамда Самарқандга бориб, амир Абдулаҳад саройида ва оддий халқ учун бозорлар, тўйларда ижодини намойиш этди...

1910 йилда у амир Саид Олимхон билан Петербургда бориб, у ердаги Петровворец саройидаги император қабулида иштирок этди...



Юсуфжон қизиқ Шакаржонов (ўртада), Маъмуржон Узоқов (ўнда), Жўраҳон Султонов (чапдан иккинчи). 1955 йил.

кида "Шайтон", "Сартарош" номли сахна кўринишини намойиш этди.

Айнан ана шу сафар Юсуфжон қизиқнинг дунёқараши янада кенгайишига, ижоди тақомиллашишига сабаб бўлди...

1914 йилда у ўзини Петербургда олиб борган Бу-

хоро амира Амир Олимхоннинг ва Хива хони Исфадирхоннинг саройларида, бозорлар ва тўйларда санъатини намойиш этди...

...Орадан йиллар ўтди. 1917 йилда октябрь тўнтарши, 1920 йилда амир ва хонлик тугатилиб, янги шаклдаги ҳукуматлар юзага келди...

TURON BANK 30 йил Барқарорлик белгиси! Сизнинг автомобилнингиз - сизнинг қулайлигингиз

Автокредит - 24% 4 йил муддатга



1220 99895 144-60-00 www.turonbank.uz

РЕКЛАМА

ТУРМУШ СЎҚМОҚЛАРИДА

ОИЛАДАГИ ЗЎРАВОНЛИК

Аёл дейилганда, кўз ўнгимда, энг аввало, онам ва қайнонам эвадланади. Бир хохисор, камсуқум, ҳамма нарсасга қўнуқувчи, сабр-тоқатда тенгсиз, бошқаси сўзлари кескир, қатъиятли, оғзидаги ошини ҳам, кўлидаги ишини ҳам ҳеч кимга бериб қўймайдиган аёл эди...

Мени қайнонам ўқитган. Муаммоларга дуч келганимда, уларни ҳал қилишимда қайнонамнинг ўғитлари, феълдаги айрим чизгиларни ўзлаштириганим ёрдам берган...

Кейинги йилларда, хусусан, жорий йилда хотин-қизларнинг зўравонликка учраши билан боғлиқ ҳолатлар ҳақидаги хабарларга кўп бор дуч келялмиш...

Бир оилани биламан. У оилада болага нисбатан қаттиққўлиқлики тарбия усули, деб билишди. "Ана даяна келяпти", "Дадангага айтаман, сени..." деган сўздан бола шу даражада қўрқадими, ҳайрон бўласиз...

Яна бир мисол: ёшлигида қайнонаси зугуми билан ажрашиб кетган аёл энди келинига кун бермайпти. Суҳбатлашганимда аёл бошидан ўтган кунларни ҳикоя қилар экан...



Унинг илдизи қаерда?

Йиллашга ҳам қўймаётган эди. Вақтлар ўтди, болалар улғайди. Айнан кўпроқ таёқ еган ўғил инстингидан ўқиди, ўланди, бола-чақали бўлди...

Эраклар — оталаримиз, ака-укаларимиз, тоға-амакларимиз, умр йўлдошларимиз. Ҳар доим биз аёллар уларнинг меҳрига, кўмағига эҳтиёж сезамиз...

"Бош ёрилса рўмол тағида, қўл синса энг ичида", "Эрман, ҳар нарса дерман" деган мақолларимиз маънан эскирган...

Зеро, ҳар бир юртдошимиз англаши лозимки, хотин-қизларга зўравонлик қилиш, уларнинг кадр-қимматини оёқ ости этиш кечириб бўлмас гуноҳ...

Моҳира ШАКАРОВА. Бухоро.